



Sabtu, 13 Februari 2021

Ogen: Jesaya 43:3-5



KELENG ATE SIMBELIN



Amin gia bangsa Israel nggo erdosa man Tuhan, tapi Tuhan tetap engkelengi ia. Keleng ate Tuhan labo erpalasken perbahanen manusia tapi erkiteken e kin biakNa. Eme sinilakokenNa man bangsa Israel singgo ibuangNa, tapi tetap ibereNa pengapul ras pergegeh rikut ras padanNa guna mulahi bangsa e. La iperhitungkenNa kelapatuhen bangsa e singgo ncedai ukurNa. Amin gia bas wari sienggo-nggona megati bangsa e lanai ernalem man Tuhan tapi ernalem man pemetehna jine, ernalem man bangsa-bangsa sideban. Tapi gegéh, kemegahen ras kebayaken negri Sudan ras Syeba la lit ertina iadepen Dibata. Tuhan erpadan lako mbebasken ras tetap mpekena-kenasa.

Tep-tep manusia meherga ilebe-lebe Dibata. Jadi adi nggo siaminken maka kita enda nggo itebus alu dareh Jesus, lit kin keleng ate siterbagesen asangken keleng ate singgo mereken kesahNa man banta? IlakokenNa kerina enda sebab kita enda anakNa, bekas tinepaNa, jadi kel atena nandangi kita. La lit la meherga akapna, ntah kin gia kita enda la kuh kulanta, ntah mbue pelanggaran dosa-dosanta, ntah masa lalunta la sikap, anak melumang ras kalak si mbalu, kerina kita ikelengiNa ras ikeliniNa. Tuhan la pernah muat sada bagin bas geluhta alu la nggancihkenca salu siterulin. Sepenting ula ernalem ras erpengendes man doni enda bagepe man dirinta jine. Andalken Tuhan bas geluhta, adi kesahNa pe iberekenNa maka sidebanna pe iberekenNa lako nampati kita bas geluhta. Bas paksa kita gentar ngalaken kegeluhen enda, siingetlah maka Tuhan nggo nebusi kita janah sijemaklah janji-janjiNa. Marilah kita ngataken bujur erkiteken keleng ate simbelin si nggo sialoken e, janah mulihkenlah kita arah dosa-dosanta nari kempak Tuhan guna ndalanken singena ateNa. Erpadanlah kita gelah reh patuhna man Tuhan.